



Број/Број: 03-/4-50-1-10-32-19/10  
Сарајево/Сарајево: 4.1.2010. године

## IZVJEŠTAJ O RADU ZAJEDNIČKE KOMISIJE ZA EVROPSKE INTEGRACIJE ZA 2009. GODINU

### 1. Uvodne napomene

Nadležnosti Zajedničke komisije za evropske integracije PSBiH (u daljnjem tekstu: Zajednička komisija) regulirane su članom 57. Poslovnika Predstavničkog doma i članom 51. Poslovnika Doma naroda.

Zadaci Zajedničke komisije su da:

- raspravlja o općim pitanjima koja se odnose na evropske integracije;
- prati izvršavanje prava i obaveza BiH proizašlih iz međunarodnih ugovora koji se odnose na Vijeće Evrope;
- koordinira rad matičnih tijela u vezi s evropskim integracijama i dostavlja im mišljenja, preporuke i upozorenja;
- analizira posljedice integracione strategije po BiH i priprema sveobuhvatne izvještaje;
- nadgleda i prati provođenje obaveza iz Sporazuma o stabilizaciji i pridruživanju, pretprijetne i pristupne strategije BiH;
- nadgleda usklađivanje zakona BiH s pravnom tečevinom EU (acquis communautaire);
- saraduje s institucijama EU, BiH (posebno s Direkcijom za evropske integracije) i drugih zemalja u vezi s pitanjima integracija i obavlja druge poslove vezane za evropska pitanja koja ne spadaju u djelokrug ostalih radnih tijela;
- održavanje javnog saslušanja u vezi s pitanjima evropskih integracija radi prikupljanja mišljenja i stavova predstavnika civilnog društva, nevladinih organizacija, intelektualaca, kao i vladinih i nevladinih eksperata u određenim oblastima.

Zajednička komisija je u ovom sazivu Parlamentarne skupštine BiH konstituirana na 1. sjednici, održanoj 21.3.2007., izborom predsjedavajućeg, te prvog i drugog zamjenika predsjedavajućeg. Zajednička komisija ima 12 članova, po šest iz oba doma.

Članovi Zajedničke komisije su: Halid Genjac, predsjedavajući, Ivo Miro Jović, prvi zamjenik predsjedavajućeg; Drago Ljubičić, drugi zamjenik predsjedavajućeg, Zoran Koprivica, Hilmo Neimarlija, Milica Marković, Alma Čolo, Azra Hadžiahmetović, Branko Dokić, Selim Bešliagić, Šemsudin Mehmedović i Božo Ljubić.

Komisija se bavila sljedećim pitanjima i aktivnostima koje su joj propisane poslovnica oba doma:

U periodu od 1. 1. 2009. do 31. 12. 2009. održano je 10 sjednica Zajedničke komisije.

## 2. AKTIVNOSTI KOMISIJE

Kao tematske tačke dnevnog reda, Zajednička komisija razmatrala je:

- Izvještaj o napretku u BiH u 2008. godini i Strategija proširenja i ključni izazovi 2008./2009.;
- Plan javnih tribina za prvo polugodište 2009. godine
- Izmjene poslovnika Doma naroda i Predstavničkog doma
- Izvještaj o provođenju Mape puta za liberalizaciju viznog režima
- Izvještaj o radu Vijeća ministara BiH za 2008. godinu
- Prvi kvartalni pregled realizacije aktivnosti iz Akcionog plana za realizaciju prioriteta iz dokumenta Evropsko partnerstvo s BiH i Izvještaja o stanju provođenja obaveza iz Privremenog sporazuma i SSP-a;
- Inicijativu Šemsudina Mehmedovića za uključivanje 16 općina, regija Centralna BiH u IPA CBC – program prekogranične saradnje, Izlaganje – Nada Bojić, DEI;
- Stanje zakonodavstva i infrastrukture u oblasti sigurnosti hrane, Izlaganje – Sejad Mačkić, direktor, i Zoran Đerić, zamjenik direktora Agencije za sigurnost hrane BiH;
- Informaciju o korištenju pretpristupnih fondova (Informacija dostavljena od Direkcije za evropske integracije); Izlaganje – Zara Halilović, DEI;
- Preostale obaveze iz Mape puta za liberalizaciju viznog režima, Izlaganje – Dragan Mektić;
- Davanje mišljenja o Polugodišnjem pregledu realizacije aktivnosti iz Akcionog plana realizacije prioriteta iz dokumenta Evropsko partnerstvo sa BiH za period od 1. 1. 2009. do 30. 6. 2009., Izvještaju o stanju provođenja Privremenog sporazuma/ SSP-a (period od 1. 1.

2009. do 30. 6. 2009.) i Akcionom planu za ispunjavanje preostalih obaveza iz Mape puta za liberalizaciju viznog režima.

Izlaganje – Amela Alihodžić i Maja Rimac Bjelobrk iz Direkcije za evropske integracije, Vojin Mijatović, savjetnik predsjedavajućeg Vijeća ministara za evropske integracije i Samir Rizvo, predsjedavajući Interresorne radne grupe za liberalizaciju viznog režima EU za građane BiH.

- Davanje mišljenja o Prijedlogu zaključka poslanika Jerka Ivankovića Lijanovića, podnesenom na 13. zajedničkoj sjednici oba doma Parlamentarne skupštine BiH, održanoj 24.7.2009.  
Izlaganje – Jerko Ivanković Lijanović;
- Davanje mišljenja o Izvještaju o izvršavanju Plana aktivnosti za ispunjavanje preostalih obaveza iz Mape puta za liberalizaciju viznog režima za period od 15. 7. 2009. do 7. 9. 2009.  
Izlaganje – Samir Rizvo;

Izvještaj o izvršavanju Plana aktivnosti za ispunjavanje preostalih obaveza iz Mape puta za liberalizaciju viznog režima;

### 3. SJEDNICE ZAJEDNIČKE KOMISIJE

**19. SJEDNICA** održana je 13.1.2009. Na dnevnom redu bila je priprema delegacije za 11. interparlamentarni sastanak Komisije s Delegacijom Evropskog parlamenta za Jugoistočnu Evropu, Brisel, 21. i 22. januar 2009. Nakon rasprave, članovi Komisije dogovorili su sastav delegacije i zaduženja za uvodna izlaganja (Milica Marković - Reforma ustava: perspektive za nastavak pregovora; Rudo Vidović - Funkcioniranje pravosuđa i policije i borba protiv korupcije i organiziranog kriminala u BiH; Ivo Miro Jović - Procesuiranje ratnih zločina u domaćem pravosuđu; Halid Genjac - Zdravstvena i socijalna zaštita s posebnim osvrtom na zaštitu žena, djece i starijih lica; Azra Hadžiahmetović - Ekonomska situacija; Drago Ljubičić - Vizne olakšice, Programi EU i „People to people“ inicijative: ocjena učešća BiH.) Dogovoreno je da naša delegacija na 11. interparlamentarnom sastanku nastoji objektivno prezentirati stanje u ovim oblastima, naglasiti pozitivne aspekte koje je BiH ostvarila u prethodnom periodu te govoriti u ime Komisije a da u toku rasprave svako ima priliku iznijeti svoje političke stavove.

Na ovoj sjednici usvajan je Izvještaj o radu Komisije za 2008. godinu.

**20. SJEDNICA** održana je 3.2.2009. Komisija je, povodom zahtjeva Kolegija Predstavničkog doma u vezi sa inicijativom o razmatranju „Izvještaja o napretku Bosne i Hercegovine u 2008.

godini", nakon provedene rasprave, jednoglasno usvojila sljedeći zaključak da pozove Zajednički kolegij oba doma PSBiH da, u roku od 30 dana, zakaže zajedničku tematsku sjednicu oba doma Parlamentarne skupštine BiH na kojoj će predsjedavajući Vijeća ministara BiH podnijeti izvještaj o ispunjavanju obaveza iz Sporazuma o stabilizaciji i pridruživanju i provođenju prioriteta iz Evropskog partnerstva sa BiH".

Na dnevnom redu bilo je razmatranje odredbi Poslovnika Doma naroda o nadležnostima Zajedničke komisije za evropske integracije s ciljem davanja preporuka za izmjene poslovnika Doma naroda i Predstavničkog doma i razmatranje preporuka UNHCR-a Češkoj Republici povodom njenog predsjedavanja EU, što je Komisija jednoglasno podržala.

**21. SJEDNICA** održana je 16.2.2009. Na dnevnom redu bilo je usvajanje Plana rada Komisije za 2009. godinu; sugestije za izmjene poslovnika Doma naroda i Predstavničkog doma, te plan održavanja javnih tribina za prvo polugodište 2009. godine.

**22. SJEDNICA** održana je 16.3.2009. Na dnevnom redu bilo je razmatranje Izvještaja o provođenju Mape puta za liberalizaciju viznog režima, plan međunarodnih aktivnosti, kao i utvrđivanje termina i zaduženja za javne tribine u prvom polugodištu 2009. godine.

**23. SJEDNICA** održana je 30.3.2009. Na sjednici je razmatran Izvještaj o radu Vijeća ministara BiH za 2008. godinu. Nakon rasprave u kojoj su identificirani mnogi nedostaci Izvještaja, Zajednička komisija za evropske integracije sugerirala je kolegijima oba doma da od Vijeća ministara BiH zatraže otklanjanje navedenih nedostataka, te da se nakon toga Izvještaj o radu Vijeća ministara BiH za 2008. godinu razmatra na zajedničkoj sjednici oba doma, uz obavezno prisustvo svih članova Vijeća ministara BiH.

**24. SJEDNICA** održana je 16.4.2009. Na sjednici je razmatran „Prvi kvartalni pregled realizacije aktivnosti iz Akcionog plana za realizaciju prioriteta iz dokumenta Evropsko partnerstvo s BiH“ i „Izvještaj o stanju provođenja obaveza iz Privremenog sporazuma i SSP-a. Nakon provedene rasprave, Komisija je, između ostalog, preporučila Parlamentarnoj skupštini BiH da zatraži od Vijeća ministara BiH što hitniju izradu temeljitog, integralnog akcionog plana za provođenje obaveza iz Sporazuma o stabilizaciji i pridruživanju s precizno definiranim obavezama, rokovima i izvršiocima. Na dnevnom redu bilo je i razmatranje Inicijative za uključivanje 16 općina, regija Centralna BiH u IPA CBC – program prekogranične saradnje kao i razmatranje stanja u zakonodavstvu i infrastrukturi u oblasti sigurnosti hrane.

**25. SJEDNICA** održana je 16.6.2009. Na dnevnom redu bila je Informacija o korištenju pretpristupnih fondova (Informacija dostavljena od Direkcije za evropske integracije). Nakon provedene rasprave, Komisija je dala mišljenje. O aktuelnij situaciji i preostalim obavezama iz Mape puta za liberalizaciju viznog režima članove Komisije izvijestio je Dragan Mektić.

**26. SJEDNICA** održana je 23.7.2009. Na sjednici je razmatran Polugodišnji pregled realizacije aktivnosti iz Akcionog plana realizacije prioriteta iz dokumenta Evropsko partnerstvo sa BiH za period od 1. 1. 2009. do 30. 6. 2009., Izvještaj o stanju provođenja

Privremenog sporazuma/ SSP-a (period od 1. 1. 2009. do 30. 6. 2009.) i Akcioni plan za ispunjavanje preostalih obaveza iz Mape puta za liberalizaciju viznog režima.

**27. SJEDNICA** održana je 15.9.2009. Na sjednici je razmatran Prijedlog zaključka poslanika Jerka Ivankovića Lijanovića koji je podnesen na 13. zajedničkoj sjednici oba doma Parlamentarne skupštine BiH, održanoj 24.7.2009., i Izvještaj o izvršavanju Plana aktivnosti za ispunjavanje preostalih obaveza iz Mape puta za liberalizaciju viznog režima za period od 15. 7. 2009. do 7. 9. 2009.

**28. SJEDNICA** održana je 21.12.2009. Na dnevnom redu bio je Izvještaj o izvršavanju Plana aktivnosti za ispunjavanje preostalih obaveza iz Mape puta za liberalizaciju viznog režima. Halid Genjac i Ivo Miro Jović izvijestili su prisutne članove Komisije o V. konferenciji parlamentarnih komisija za evropske integracije država Jugoistočne Evrope obuhvaćenih procesom stabilizacije i pridruživanja, koja je održana 23. i 24. 11. 2009. u Beogradu, i najavili održavanje redovnog 12. interparlamentarnog sastanka Delegacije Evropskog parlamenta za odnose sa zemljama Jugoistočne Evrope i Zajedničke komisije za evropske integracije PSBiH, u Sarajevu, u februaru 2010.

#### **4. MEĐUNARODNE AKTIVNOSTI KOMISIJE**

**Članovi Zajedničke komisije prisustvovali su određenom broju seminara, te studijskih posjeta, navedenih u nastavku:**

- Seminar u organizaciji SIGMA-e – Reforma upravnog odlučivanja
- Seminar OSCE-a – Program jačanja zakonodavne vlasti- Regionalni seminar za osoblje u zaposleno u komisijama za evropske integracije parlamenata zemalja Zapadnog Balkana.
- Konferenciji pod nazivom „2009. – evropska godina za Balkan“,
- Javno predavanje o temi: „Važnost članstva BiH u Vijeću sigurnosti UN-a“,

**U okviru međunarodnih aktivnosti, članovi Zajedničke komisije imali sljedeće sastanke i razgovore:**

- 11. interparlamentarni sastanak Komisije s Delegacijom Evropskog parlamenta za odnose sa zemljama Jugoistočne Evrope,
- IV. konferenciju parlamentarnih komisija za evropske integracije država obuhvaćenih procesom stabilizacije i pridruživanja Jugoistočne Evrope (COSAP),
- Sastanak predsjedavajućeg Komisije za evropske integracije PSBiH s Davidom P. Haugenom, političkim savjetnikom u US misiji za EU u Briselu;
- Dva sastanka članova Komisije s Jelkom Kacinom, članom Evropskog parlamenta;

- Sastanak članova Komisije s delegacijom Zajedničke komisije za evropske poslove Parlamenta Irske i ambasadorom Irske u BiH;
- Sastanak članova Kolegija PSBiH i predsjedavajućeg Komisije s Pierreom Mirelom, direktorom Generalne direkcije Evropske komisije za proširenje zaduženim za zapadni Balkan;
- Sastanak sa Stuart Alexanderom Slorachom, jednim od vodećih autoriteta u oblasti sigurnosti hrane;
- Sastanak s delegacijom Parlamenta Slovačke,
- Sastanak sa Sabinom Stadler iz jedinice za planiranje pri Generalnom sekretarijatu Vijeća Evropske unije,
- Učešće na prezentaciji Prvog polugodišnjeg izveštaja za 2009. u okviru projekta „Monitoring procesa evropskih integracija“
- Sastanak sa istraživačima EUPF7 projekta "Just and Durable Peace by Piece";
- Učešće na trećem koordinacijskom sastanku o ispunjavanju obaveza Bosne i Hercegovine u procesu pridruživanja Evropskoj uniji (EU Agenda Coordination Meeting)
- Redovno učešće u projektu "Parlament za Evropu"
- Sastanak s Tanjom Fajon, članom Evropskog parlamenta,
- Sastanak s Vernellom Trim, političkim savjetnikom u Ambasadi SAD-a;
- Brifing o antikorupcijskoj legislativi, organiziran u saradnji s Uredom specijalnog predstavnika EU u BiH;
- Sastanak s parlamentarcima Švedske;
- Sastanak s Patrickom McCabeom, ambasadorom Republike Irske u BiH;
- Sastanak s parlamentarcima Češke;
- V. konferenciju parlamentarnih komisija za evropske integracije država Jugoistočne Evrope obuhvaćenih procesom stabilizacije i pridruživanja, koja je održana 23. i 24. 11. 2009. u Beogradu.

#### **Sastanci s nevladinim i međunarodnim organizacijama:**

- Redovni sastanci s predstavnicima Evropske komisije
- Sastanci s predstavnicima Misije OSCE-a u BiH;
- Sastanci s predstavnicima OHR-a;
- Sastanci s predstavnicima ACIPS-a;
- Sastanak s predstavnicima Evropskog pokreta u BiH;

#### **Rezime**



Na osnovu navedenih aktivnosti, može se konstatirati da je Zajednička komisija, u okviru svojih nadležnosti propisanih poslovnica, kao i Planom rada, u izvještajnom periodu, uspješno realizirala većinu postavljenih zadataka. Treba imati u vidu da je realizacija određenih aktivnosti kasnila ili da one nisu mogle biti realizirane, iz objektivnih razloga, i to isključivo zbog

neophodnog usklađivanja s aktivnostima drugih relevantnih institucija. Važno je naglasiti da je Zajednička komisija uspješno realizirala i određene aktivnosti koje nisu bile uvrštene u Plan rada ali su zbog njihove važnosti razmatrane.

Zajednička komisija će u narednom periodu kontinuirano nastaviti raditi na praćenju, analizi i nadgledanju aktivnosti svih relevantnih institucija u procesu pridruživanja EU, te realizirati aktivnosti obuhvaćene Planom rada.

Sekretar Zajedničke komisije  
Vlatka Dangubić

Predsjedavajući  
Zajedničke komisije  
Halid Genjac



**PREGLED POJEDINAČNOG PRISUSTVA SJEDNICAMA ZAJEDNIČKE  
KOMISIJE ZA EVROPSKE INTEGRACIJE PSBiH ZA 2009. GODINU**

Broj sjednice	19.	20.	21.	22.	23.	24.	25.	26.	27.	28.	ukupno	%
Datum 2009.	13. Jan	3. Feb.	16. Feb.	16. Mart	30. Mart	16. Apr.	16. Juni	23. Juli	15. Sep.	21. Dec.		
Ime i prezime												
1. Halid Genjac	+	+	+	+	+	+	+	+	+	+	10/10	100
2. Ivo Miro Jović	+	+	+	+	+	+	+	+	+	+	10/10	100
3. Drago Ljubičić	+	+	-	+	+	+	+	-	+	+	8/10	80
4. Alma Čolo	+	+	+	-	+	+	+	+	+	+	9/10	90
5. Hilmo Neimarlija	+	+	+	+	+	+	-	+	+	-	8/10	80
6. Milica Marković	+	-	+	+	-	+	-	-	-	-	4/10	40
7. Branko Dokić	-	-	-	+	-	-	-	+	+	-	3/10	30
8. Zoran Koprivica	+	+	+	+	-	+	+	-	+	+	8/10	80
9. Azra Hadžiahmetović	+	-	-	-	-	-	-	-	-	-	1/10	10
10. Selim Bešlagić	-	+	+	+	+	+	+	+	+	+	9/10	90
11. Šemsudin Mehmedović	+	+	+	+	-	+	+	+	+	+	9/10	90
12. Božo Ljubić*	*	*	*	*	*	*	*	+	-	-	1/10	10
Rudo Vidović*	+	+	+	-	-	-	+	*	*	*	4/10	40

**Napomena:**

\* Rudu Vidoviću prestao je mandat delegata u Domu naroda 24. 6. 2009., a time mu je prestalo i članstvo u Zajedničkoj komisiji;

\* Božo Ljubić imenovan je za člana Zajedničke komisije u julu 2009. godine;